



Ақкетік арайы

№48 (1324)
25 қараша 2025 жыл



Kaspi QR



Halyk QR

Газет әр аптаның сейсенбі күні шығады

Газет 1931 жылдың 5 тамызынан шыға бастады



e-mail: akketikaraii@mail.ru

МӘДЕНИЕТ

ТАРАС ШЕВЧЕНКО көрмесі алматыда

7 ҚАРАША МЕН 7 ЖЕЛ-ТОҚСАН АРАЛЫҒЫНДА ҚР ҰЛТТЫҚ ОРТАЛЫҚ МУЗЕЙІНДЕ «ҚАЗАҚ ДАЛАСЫНДАҒЫ КОБЗАРЬ: ТАРИХ ПЕН ТАҒДЫР ТОҒЫСЫ» АТТЫ КӨРМЕ АШЫЛДЫ.

Ашылу салтанатын 100 мыңға жуық Алма-ты тұрғындары мен қала қонақтары тамаша-лады. Көрмеге Түпқараған ауданының құрметті азаматы, филология ғылымдарының докторы, профессор Жұмат Тілепов, ақын, журналист Болат Жетекбай, журналист, «Үш Қиян» бас-



пасының директоры Махмұт Қостамбетов, журналист Бақытжан Қосбармақов, сценарист, режиссер Асия Байғожина, киіз үй жасаудың хас шебері Бақыт Бозжігітұлының қызы Бану Бозжігітова, академик Құрбан Аманиязовтың қызы Бақытгүл Аманиязова

және Алматы қаласының этномәдени орта-лығының өкілдері арнайы келіп қатысты.

Көрермендер көрмеге қойылған Ұлы Кобзарьдың еңбектері мен суреттерін, сондай-ақ Т. Г. Шевченконың өмірі мен шы-ғармашылығы туралы жазылған материалдар-

ды тамашалады.

Қала тұрғындары мен қонақтары Шев-ченконың Қазақстанда болған кезеңін бей-нелейтін суреттерді үлкен қызығушылықпен көрді. Көрмеге Т. Г. Шевченконың Қазақстанда өзі салған көптеген туындылары қойылды. Атап айтқанда: «Қарабұтақ порты», «Жас қазақтың әні», «Өлеңдерге бата оқу», «Маңғыстау бағы», «Новопетровск бекінісі» атты шығармалары.

Қазақ пен украин халықтарының достығы тереңде. Екі халық бір-бірінің салт-дәстүрін құрметтегендіктен, бұл достықтың тамыры мықты екені айқын.

Көрмеге келген қонақтар іс-шара туралы өздерінің жылы лебіздерін білдіріп, қазақ халқының ақын есімін бүгінге дейін құрметпен сақтап келе жатқанына ризашылықтарын жеткізді. Бүгін ұсынылған көрме де соның бір дәлелі екенін атап өтті.

Айгүл БАЛАБАЕВА,
Музей меңгерушісі.

МЕЦЕНАТ

Жомарт азаматтар МАРАПАТТАЛДЫ

МАҢҒЫСТАУ ОБЛЫСТЫҚ АҚПАРАТ ЖӘНЕ ҚОҒАМДЫҚ ДАМУ БАСҚАРМАСЫНЫҢ ҰЙЫМДАСТЫРУЫМЕН «ЖО-МАРТ ЖАН» СЫЙЛЫҒЫНЫҢ ЛАУРЕАТТАРЫН МАРАПАТ-ТАУ КЕШІ ӨТТІ.

Шараның негізгі мақсаты – қоғамда мейірімділік пен жанашырлық құндылық-тарын кеңінен насихаттау, халықты, бизнес-құрылым өкілдерін, меценаттарды, үкіметтік емес ұйымдар мен еріктілерді ынталандыру, азаматтық белсенділіктің үздік тәжіри-белерін тарату және қайырымдылық мәде-ниетін қалыптастыру.

Ауданымыздың дамуына елеулі үлес қосқан азаматтар бірнеше номинациялар бойынша марапатталды. «Жыл тұлғасы – 2025» номинациясының лауреаты – «Қара-жанбасмұнай» АҚ бас директоры Сәрсенбай Нұрпейіс Мизанбайұлы. Ол өңірдің әлеу-меттік-экономикалық дамуына қосқан үлесі,



тұрақты өндірістік көрсеткіштері және әлеу-меттік жобаларды қолдаудағы белсенділігі үшін марапатталды.

«Жыл меценанты – 2025» сыйлығы Түп-қараған аудандық мәслихатының VIII шақы-рылым депутаты, «KAZ General Industrial Services» ЖШС-нің негізін қалаушы Тілепов Наурызбек Біләтұлына табысталды. Ол көп жылдан бері әлеуметтік аз қамтылған жан-дарға көрсеткен демеушілік қолдауы үшін

ерекше аталды.

«Туған өлке – 2025» номинациясымен Маңғыстау облыстық мәслихатының депу-таты, «Ай-ДиСтрой» ЖШС директоры, Маң-ғыстау облысы Дзюдо федерациясының вице-президенті Адеков Нұрлыбек Қыдыр-ғалиұлы марапатталды. Оның туған өлкенің инфрақұрылымын дамытуға, спорт саласы-на қолдау көрсетуге және әлеуметтік баста-маларға қосқан үлесі айрықша бағаланды.

«Жылдың үздік қамқоршысы – 2025» но-минациясы Түпқараған АПБ-ның қоғамдық қауіпсіздік бөлімшесінің учаскелік полиция инспекторы Балғабаев Қайрат Қалдыбай-ұлына берілді. Ол қоғамдық тәртіпті сақтау, халықпен тығыз жұмыс жүргізу және әлеуметтік әлсіз топтарға көрсеткен қам-қорлығы үшін марапатталды.

Шара соңында қатысушылар қоғамның дамуына үлес қосып жүрген жомарт аза-маттарға алғыс білдіріп, олардың еңбегі өс-келең ұрпаққа үлгі болатынын атап өтті. «Жо-март жан» сыйлығы – ел ішінде ізгілік пен қайырымдылықты дәріптейтін маңызды ба-стама ретінде қоғамнан үлкен қолдау табуда.

Ринат ЖЕМЕНЕЙ.

?

ТҮПҚАРАҒАН ТҮБЕГІНІҢ АЯУЛЫ ҚЫЗЫ, НӘЗІК ЖҮРЕКТІ АҚЫН ЖҰМАГҮЛ МҰРСАЛДЫҢ «ӨЛЕҢ МЕНІҢ ЖАНЫМНЫҢ ЖАНАРТАУЫ» АТТЫ ШЫҒАРМАШЫЛЫҚ КЕШІ КЕҢ АУҚЫМДА ӨТТІ. КЕШ АҚЫННЫҢ ЖҮРЕГІНЕН ТУҒАН ЛИРИКАЛЫҚ ӨЛЕҢДЕРІН ОҚУМЕН БАСТАЛЫП, САЗДЫ ӘНДЕРМЕН ӘРЛЕНІП, КӨРЕРМЕНДЕРГЕ РУХАНИ СЕРПІЛІС СЫЙЛАДЫ.

Поэзия мен руханиет

ТОҒЫСҚАН КЕШ



Шарада аудан әкімінің орынбасары Өсер Тілепов:

– Бүгінгі кеште аудан әкімі Ержан Күмісқалиевтің ыстық ықыласы мен жылы лебізін жеткізім келеді. Сіз жүрегіңізге ке-ремет поэзияны сыйғыза білген ақынсыз. Өлеңдеріңізді қадірлеген жерлестеріңіз ерекше рухани қазына алып, шабыт-танды деп сенемін, – деді ол.

Жыр кешінде Маңғыстау поэзиясына жаңа леп әкелген ақын Жұмагүл Мұрсалдың шығармашылық жолы кеңінен та-ныстырылып, оның алғашқы «Ғашық болып қалмаңдаршы» ат-ты жыр жинағының тұсаукесері өтті. Кітаптың лентасын кесу құрметі ақын, Түпқараған ауданының Құрметті азаматы Светқали Нұржанға және ақынның анасына ұсынылды. Жи-налған жұртшылық жаңа кітапты жылы қабылдап, оны Маң-ғыстау поэзиясының қоржынына қосылған қомақты үлес ретінде бағалады.

Шығармашылық кеш ақынның рухани ізденісінің, ұлттық болмыс пен көркем сөзге шынайы адалдығының айқын көрінісі болды. Ақын жырына сусындаған жұртшылық кештен ерекше әсермен тарқасты.

Кеш барысында айтылған ақ тілектердің легі де мол болды.

– Өзіңізді Қазақстан Жазушылар одағының мүшесі, ұлағатты ұстаз, нәзік жүректі ақын ретінде ерекше құрмет-тейміз. «Өлең – менің жанымның жанартауы» атты шығарма-шылық кешіңіз – поэзия әлеміндегі өнегелі жолыңыздың жарқын жемісі. Жаңа «Ғашық болып қалмаңдаршы!» атты жыр жинағыңыздың жарық көруімен шын жүректен құттықтаймыз. Қаламыңыз қуатты болып, әр өлеңіңіз оқырман жүрегіне жол таба берсін, – деп Бексұттан Нұрмұханұлы ізгі лебізін білдірді.

Ал ақын Тілеген Әли өз әсерімен бөлісіп:

– Өлең – жүрегің мәңгі соқсын! Әсері бөлек, әдемі кештің куәсі болды. Ақынның аялаған Ақкетік жұртына, ел басқарып отырған азаматтарға, ұйымдастырушыларға алғыстан басқа ай-тарымыз жоқ, – деді.

Жұмагүл Мұрсалдың шығармашылық кеші Түпқараған жұртшылығы үшін рухани мереке болды. Өлең оқылған, ән қанат қаққан, жүрек жалғаған бұл кеш ақынның шығар-машылық биігінің жаңа белесі ретінде есте қалды.

Ринат ТЕМІРХАН.

■

ӨЗЕКТІ

ҚАЗІРГІ ЗАМАН — ТЕХНОЛОГИЯ ДӘУІРІ. БҮТІНГІ БАЛАНЫҢ ҚОЛЫНДА СМАРТФОН, АЛ МҮҒАЛІМНІҢ АЛДЫНДА АҚЫЛДЫ ТАҚТА МЕН ЖАСАН-ДЫ ИНТЕЛЛЕКТ БАР. БҰРЫН ТЕК ҚИЯЛ ӘЛЕМІНДЕ АЙТЫЛАТЫН «АҚЫЛДЫ МАШИНА» ЕНДІ БІЗДІҢ ӨМІРІМІЗДІҢ БІР БӨЛІГІНЕ АЙНАЛ-ДЫ. КОМПЬЮТЕР ЕНДІ ТЕК ЕСЕПТЕУ ҚҰРАЛЫ ЕМЕС — СӨЙЛЕЙДІ, КЕҢЕС БЕРЕДІ, ТІПТІ БАЛАҒА САБАҚ ТА ҮЙРЕТЕДІ.

ЖИ ПЕДАГОГТІ
АЛМАСТЫРА АЛА МА?

Қазіргі заманда технология қарқынды дамып, білім беру саласына да түбегейлі өзге-рістер әкелуде. Сол өзгерістер-дің ең бастысы — жасанды ин-теллект (ЖИ) жүйелерінің пай-да болуы. ChatGPT, Google Gemini, Khanmigo, Sokrat және басқа да білім беру жүйеле-рінде қолданылатын интеллек-туалды платформалар мұғалім-дерге, оқушыларға, ата-ана-ларға үлкен көмек көрсетуде.



Дегенмен, осындай керемет мүмкіндіктердің ортасында маңызды сұрақ туындайды: Жасанды интеллект арнайы педагогтің орнын баса ала ма? Бұл сұрақ тек технологияның емес, адамгерші-ліктің де сынағы іспетті.

Арнайы педагог — ерекше білім беруді қажет ететін балалармен жұмыс жасайтын маман. Олар есту, көру, сөйлеу, зейін, ойлау, эмоциялық-ерік-ті дамуында ауытқуы бар балаларға көмек көр-сетеді. Арнайы педагог баланың жеке ерекше-ліктерін ескере отырып, инклюзивті білім беру ортасын құрады, сенім ұялатады, жүректің жы-лылығын береді. Ол тек сабақ бермейді, балаға сенім ұялатады, оның алғашқы жетістіктерін бірге тойлайды.

Мұндай нәзік қарым-қатынас пен эмоцио-налды қолдауды ешбір алгоритм орындай ал-майды. Эмоциясыз білім — жартылай білім ғана.

ЖИ — қарсылас емес, көмекші. Ол баланың оқу қарқынын өлшей алады, сөйлеу дағдысын талдайды, тапсырманы жеке бейімдейді. Мыса-лы, логопедке арналған бағдарлама баланың айтқан сөзін тыңдап, қателерді автоматты түрде анықтап, түзету жаттығуларын ұсына алады. Бұл педагогтың жұмысын жеңілдететін тамаша құрал.

ЖИ білім береді, бірақ тәрбие бере алмайды. Ал арнайы педагогикада білім мен тәрбие егіз ұғым. Әр дыбыс, әр сурет, әр қимыл — баланың дамуы үшін маңызды. Мұнда машина емес, адамның жылылығы қажет.

ЖИ мен адамның негізгі айырмашылығы — эмпатия мен эмоциялық интеллектте. ЖИ мәліметті талдай алады, бірақ «сезіне» алмайды, баламен психологиялық байланыс орната ал-майды. Ал арнайы педагог мотивация береді, эмоционалды қолдау көрсетеді, жеке қарым-қатынас орнатады.

ЖИ арнайы педагогтың жұмысын тиімді ету-ге зор үлес қосады:

- Диагностикалық құралдар арқылы даму деңгейін анықтау
- Жеке оқу траекторияларын жасау
- Әкімшілік жұмыстарды жеңілдету
- Оқу материалдарын визуализациялау
- Онлайн қолдау және жаттығулар гене-рациялау

Болашақта ең тиімді модель — «адам мен жа-санды интеллекттің бірлескен еңбегі». ЖИ тап-сырма ұсынады, педагог — қолдау көрсетеді. ЖИ қатесін түзетеді, педагог — өзіне сенім ұялатады. Ақыл мен жүрек бірге жұмыс істегенде ғана бі-лімнің шынайы мәні ашылады.

Жасанды интеллект — білім беру саласын-дағы революциялық жетістік. Ол арнайы пе-дагогтың жұмысын жеңілдетіп, сапасын арттыра алады. Бірақ адамның жылы жүрегі, мейірімі мен эмпатиясын ешбір машина алмастыра алмайды. Арнайы педагог — жай маман емес, ол баланың өмірін өзгертетін адам. ЖИ оған серік бола ала-ды, бірақ орнын баса алмайды.

Милана ЕЛЕУСІНОВА.

■

МІНБЕР

ЕЛГЕ ҚЫЗМЕТ —
ЕРДІҢ МІНДЕТІ

МЕМЛЕКЕТТІК ҚЫЗМЕТ – ХАЛЫҚ ПЕН БИЛІК АРАСЫН-ДАҒЫ АЛТҒЫН КӨПІР. ОСЫ КҮРДЕЛІ ДЕ ҚАДІРЛІ МІНДЕТТІ АБЫРОЙМЕН АТҚАРЫП, ТУҒАН ЖЕРІНІҢ ӨРКЕНДЕУІ ЖОЛЫНДА ТАБАҢДЫЛЫҚПЕН ЕҢБЕК ЕТПІ ЖҮРГЕН АЗАМАТТАРДЫҢ БІРІ – САЙЫН ШАПАҒАТОВ АУЫЛДЫҚ ОКРУГТІНІҢ ӘКІМІ ЖӘНІБЕК БАҚЫТЖАНҰЛЫ. ОЛ ӨЗ ЕҢБЕГІ АРҚЫЛЫ ЕЛ СЕНІМІН АҚТАП, ТУҒАН АУЫЛЫНЫҢ ӨСҮІНЕ ҮЛЕС ҚОСЫП КЕЛЕДІ.



Жәнібек Асанов 1990 жылы Сайын Шапағатов ауылында дүниеге келген. Ауылда балалық шағы өтеді, білім нәрі-мен сусындайды. 2008 жылы Ақшұқыр ауылындағы Маршал Әбдіхалықов атындағы орта мектепті аяқтап, Ш.Есе-нов атындағы Каспий технологиялар және инжиниринг университетінің көлік, көліктік техника және техноло-гия мамандығына оқуға түседі. Өңірдің бас оқу ордасында жоғары білім алып, оқуға сүйіспеншілігі, еңбекке құштар-лығы оянады.

Еңбек жолын 2011 жылы Ақтау ха-лықаралық әуежайда перрон жұ-мысшысы қызметінен бастайды. Кейін 2014–2016 жылдар аралығында «Кез-би» ЖШС-де бұрғышы көмекшісі бо-лып еңбек етеді. Ал 2016 жылдың сәуір айынан бастап Мұнайлы ауданының Дәулет ауылдық округі әкімінің аппа-ратында заңгер, кадр және арыз-шағымдар мәселелері жөніндегі бас маман қызметіне орналасады. Осы-лайша Жәнібек Асанов мемлекеттік қызметке қадам басады.

2021 жылы сол ауылда әкімнің орынбасары, 2022–2023 жылдары Түпқараған ауданының Сайын Шапа-ғатов ауылдық округі әкімінің орын-басары болып еңбек етті. 2023–2024 жылдары Түпқараған аудандық жер қатынастары, сәулет және қала құры-лысы бөлімін басқарды. 2024 жылдан бері туған жері Сайын Шапағатов ауылдық округінің әкімі қызметін абы-роймен атқарып келеді.

– Мемлекеттік қызмет үлкен жа-уапкершілікті, зор біліктілікті және үздіксіз ізденісті талап етеді. Бұл жай ғана жұмыс емес, бұл – халық сенімін

арқалап, ел мүддесіне еңбек ету. Әр шешімің үшін жауап бересің, сон-дықтан үнемі ізденіп, дамып отыру қажет. Ауыл әкімі болу – үлкен жауап-кершілікті талап ететін қызмет. Елді мекеннің әлеуметтік-экономикалық дамуы мен тұрғындардың әл-ауқаты әкімнің іскерлігі мен жоспарлы жұмы-сына байланысты. Ауыл әкімінің басты міндеті – өзі сайланған елді мекен тұр-ғындарының өмір сүруіне қолайлы жағдай жасау және одан әрі дамуына жоспарлы түрде нақты қадамдар жа-сай алу, – дейді Жәнібек Бақытжанұлы.

Бүгінде Сайын Шапағатов ауылдық округі облыс орталығына жақын орна-ласқандықтан, тұрғындардың тұрмыс-тіршілігі Ақтау қаласымен тығыз бай-ланысты. Елді мекен көше жарығымен және газбен толық, орталықтанды-рылған су жүйесімен 80 пайыз, ауыл-ішілік асфальт жолдармен 50 пайыз қамтылған. Ауылдық округте 4 мектеп, 9 балабақша, 2 медициналық пункт, кітапхана, 500 орындық мәдениет үйі, өнер мектебі және аналарды қолдау орталығы үздіксіз жұмыс істеп тұр. Ағымдағы жылы өндіріс мекемеле-рінің демеушілігімен 1200 орындық жаңа мектеп пайдалануға беріліп, үш ауысымда оқу мәселесі шешілді. Со-ныммен қатар жеке инвестиция есе-бінен 140 орындық спорт кешені са-лынып, пайдалануға берілуде.

– Ауыл шаруашылығын дамыту мақсатында 4 кооператив құрылып, «Ауыл аманаты» бағдарламасы аясын-да қаржыландыруға ұсынылды. Гео-графиялық артықшылығына сәйкес, ту-ризм саласын дамыту бағытында да бірнеше жобалар қолға алынуда. Сон-

дай-ақ ауыл халқының сұранысы негі-зінде 160 орындық спорт кешені мен жаңа амбулатория салу және ауыл-ішілік жолдарды жөндеу бойынша жобалық сметалық құжаттар дайындалып, қаржыландыруға ұсынылды», – деп атап өтті ауыл әкімі.

Жәнібек Асановтың ойынша, мем-лекеттік қызметкердің бойында жа-уапкершілік, ізденімпаздық және ұстанымдылық қасиеттері болғаны маңызды. Адал еңбек қана зор жемісті жетістіктерге, биік белестерге жол ашады. Осыны білген Жәнібек Бақыт-жанұлы туған ауылының гүлденуі, өркендеуі үшін аянбай еңбек етуде.

– «Таза Қазақстан» экологиялық акциясы аясында өткен «Үздік ауыл» байқауында ірі елді мекендер арасын-да Сайын Шапағатов ауылдық округі ІІ орынды иеленді. Аталған сайыста ауылдық округтың санитарлық тазա-лығы, абаттандыру мен көгалданды-рылуы, әлеуметтік нысандар мен ин-фрақұрылыммен қамтылуына және тұрғындардың елді мекеннің дамуына атсалысуына мән берілді. Бұл жетістік – ауыл халқының бірлігі мен әкім-діктің үйлесімді жұмысының нәтижесі десем артық айтпаймын. Туған ауы-лымда әкім болып, оның гүлденуіне үлес қосу – зор бақыт әрі үлкен жауап-кершілік. Өзімнің білімдімі, тәжі-рибемді және күш-жігерімді туған жерімнің, сүйікті ауылының өркен-деуіне арнаууды мақсат тұттым, – деп түйіндеді сөзін әкім.

Ханым ҚҰАТ.

■

МӘМС

Емханаға жүтінгенде
НЕҢІ ЕСКЕРТЕҢ ЖӨҢ?

«МЕН ЕМХАНАҒА БАРМАЙМЫН ЖӘНЕ МӘМС-ТІ ПАЙДАЛАНБАЙ-МЫН», «УЧАСКЕМДІ ДЕ, ДӘРІГЕРІМДІ ДЕ БІЛМЕЙМІН, ОЛАР МЕНІ ІЗДЕМЕЙДІ», ӨКІНІШКЕ ҚАРАЙ, КЕЙБІР АЗАМАТТАРДАН ОСЫНДАЙ ПІКІРЛЕРДІ ЕСТІП ЖАТАМЫЗ. ЕНДІ БІРЕУЛЕР ТЕГІН МЕДИЦИНАЛЫҚ КӨМЕКТІ АЛУ ҚИЫН, ОҒАН КӨП УАҚЫТ ПЕН КҮШ КЕТЕДІ ДЕП ЕСЕПТЕЙДІ. ОСЫҒАН ОРАЙ, ЕМХАНАҒА НЕ ҮШІН БАРУ КЕРЕК ЖӘНЕ МӘМС ЖҮЙЕСІНІҢ МҮМКІНДІКТЕРІН ҚАЛАЙ ПАЙДАЛАНУҒА БОЛАТЫНЫН ЗЕРТТЕП КӨРДІК.

Емханада тіркелген азаматтарға алғашқы меди-циналық-санитарлық көмек (АМСК/МСАК) көрсетіледі. Бұл – медициналық көмектің базалық деңгейі. МСАК тіркелген тұрғындарды есепке алып, профилактикалық тексерулер жүргізеді, флюорографияға шақырады. Ау-руларды ерте анықтауға, созылмалы науқастардың жағдайын бақылауға, асқынулардың және шұғыл госпи-тализацияның алдын алуға, жалпы халық денсаулығын бақылауда ұстауға көмектеседі.

Сайып келгенде, МСАК – бұл сіздің учаскелік дәрігеріңіз және тіркелген емханаңыз. Алғашқы ша-ғымдар, профилактикалық тексерулер немесе бақылау қажет болған жағдайда азамат дәл осы жерге жүгінеді.

Сондықтан қай емханаға тіркелгеніңізді және сіздің дәрігеріңіздің кім екенін білу өте маңызды.

Учаскелік дәрігерге бару үшін МӘМС жүйесін-де сақтандырылу міндетті ме?

Жоқ. Пациенттер учаскелік терапевтке немесе жал-пы практика дәрігеріне «сақтандырылған» мәртебесіне қарамастан бара алады. Бірақ МӘМС пакетіне кіретін бейінді мамандардың кеңесі немесе қосымша қызметтер қажет болған жағдайда «сақтандырылған» мәртебесі қажет.

Бейінді мамандарға жазылу үшін неге алды-мен терапевтке бару керек?

Бейінді мамандарға жазылу терапевт арқылы жүр-гізіледі. Себебі ол бастапқы тексеру жүргізіп, алдын ала ди-агноз қояды және ары қарай тексерудің қажеттілігін анықтайды. Қай маманға жолдама беру керектігін шешетін де – осы дәрігер. Бұл өздігінен емделудің алдын алып, негізсіз жүгінулерді азайтады және мамандардың жұмысын оңтайландырады. Осылайша, бейінді мамандар көмегіне шын мұқтаж жандарға көп уақыт бөле алады.

Анализдер мен диагностикаға жолдаманы қалай алады?

Барлық зертханалық және диагностикалық қызметтер емдеуші дәрігердің тағайындауы бойынша көрсетіледі. Дәрігер пациенттің жағдайын, шағымдарын бағалай отырып, қажетті зерттеулерге жолдама береді. МӘМС аясында қызмет алу үшін «сақтандырылған» мәртебесі болуы шарт.

Талдаулар мен зерттеулерге жолдаманы тіркелген жердегі дәрігерден алуға болады. Әдетте бұл – терапевт немесе жалпы практик дәрігері.



Жеке клиникада МӘМС есебінен операция жасауға болатыны рас па? Жолдаманы қалай алуға болады?

Ауруханаға жатқызу көрсеткіштері пациенттің жағ-дайына қарай әртүрлі болады. Оған жедел ауырсынулар, созылмалы аурулардың асқынуы, жарақаттар немесе стационарлық бақылауды қажет ететін өзге жағдайлар жатады (ҚР ДСМ 2022 жылғы 24 наурыздағы №ҚР ДСМ-27 бұйрығы).

Ауруханаға жату үшін не істеу керек?

- Тіркелген емханадағы дәрігерге жүгінү;
- Қажетті бастапқы тексерулерден өту;
- Көрсеткіштер болса, ауруханаға жолдама алу (медициналық ұйымды дәрігермен бірге таңдауға бола-ды);

• Ауруханаға жату талонын алу. Талон арқылы «Ем-деуге жатқызу бюросы» сайтынан өз кезегіңізді бақылауға болады.

Жоғары технологиялық медициналық көмек (ЖТМК) қажет болған жағдайда құжаттарды тіркелген медициналық ұйым ЖТМК жөніндегі комиссияға жо-лдайды. Комиссия пациентті тиісті медициналық ұйымға жіберу туралы шешім қабылдайды.

ТМҚКК тізбесіне кірмейтін арнайы медициналық көмек МӘМС жүйесі аясында немесе ақылы негізде көрсетіледі.

Жолдама беруден бас тартса не істеу керек?

Егер пациенттің көрсеткіштері бола тұра дәрігер жолдама бермесе немесе қызмет көрсетуден бас тартса, емханалар мен ауруханалардағы Пациенттерді қолдау және ішкі сараптама қызметіне жүгінуге болады. Бұл қызмет мәселелерді жылдам шешуді көздейді.

МӘМС жүйесіндегі сақтандыру мәртебесін тек-серу жолдары:

1. Қор сайты – msqorykz
 2. Telegram-бот – @SaqtandytBot
 3. Kaspi, Halyk, Freedom, BCC, Bereke, HomeCredit, Еуразиялық банк, Damumed мобильді қосымшалары
- МӘМС жарналары мен медициналық көмек сапасына қатысты сұрақтар бойынша:**
1. Қор сайты – msqorykz
 2. Telegram-бот – @SaqtandytBot

Әлеуметтік медициналық сақтандыру қорының Маңғыстау облысы бойынша филиалы.

ЖОБА

ПРОЕКТ

ТҮПҚАРАҒАН АУДАНЫ БОЙЫНША ТҮРҒЫН ҮЙ СЕРТИФИКАТТАРЫНЫҢ МӨЛШЕРІ МЕН ОЛАРДЫ АЛУШЫЛАР САНАТТАРЫНЫҢ ТІЗБЕСІН АЙҚЫНДАУ ТУРАЛЫ

ОБ ОПРЕДЕЛЕНИИ РАЗМЕРА И ПЕРЕЧНЯ КАТЕГОРИЙ ПОЛУЧАТЕЛЕЙ ЖИЛИЩНЫХ СЕРТИФИКАТОВ ПО ТУПКАРАГАНСКОМУ РАЙОНУ

Қазақстан Республикасының «Тұрғын үй қатынастары туралы» Заңының 14-1-бабының 2-тармағына, Қазақстан Республикасы Өнеркәсіп және құрылыс министрінің 2025 жылғы 30 мамырдағы № 187 «Тұрғын үй жағдайларын жақсартуға бағытталған мемлекеттік қолдау шараларын іске асыру қағидаларын бекіту туралы» бұйрығына (Қазақстан Республикасының Әділет министрлігінде 2025 жылғы 30 мамырда № 36186 болып тіркелді) сәйкес, Түпқараған аудандық мәслихаты ШЕШІМ ҚАБЫЛДАДЫ:

- Түпқараған ауданы бойынша тұрғын үй сертификаттарының мөлшері осы шешімнің 1-қосымшасына сәйкес айқындалсын.
- Түпқараған ауданы бойынша тұрғын үй сертификаттарының алушылар санаттарының тізбесі осы шешімнің 2-қосымшасына сәйкес айқындалсын.
- Осы шешім оның алғашқы ресми жарияланған күнінен күнтізбелік он күн өткен соң қолданысқа енгізіледі.

Лауазымы

Аты-жөні

Должность

ФИО

Шешіміне 1 қосымша

Приложение 1 к решению

Түпқараған ауданы бойынша тұрғын үй сертификаттарының мөлшері

Размер жилищных сертификатов по Тупкараганскому району

- Қарыз сомасынан 10%, алайда әлеуметтік көмек түрі ретінде 1 500 000 (бір миллион бес жүз мың) теңгеден артық емес.
- Қарыз сомасынан 10%, алайда әлеуметтік қолдау түрі ретінде 1 500 000 (бір миллион бес жүз мың) теңгеден артық емес.

- 10 % от суммы займа, но не более 1 500 000 (один миллион пятьсот тысяч) тенге в виде социальной помощи.
- 10% от суммы займа, но не более 1 500 000 (один миллион пятьсот тысяч) тенге в виде социальной поддержки.

Шешіміне 2-қосымша

Приложение 2 к решению

Түпқараған ауданы бойынша тұрғын үй сертификаттарының алушылар санаттарының тізбесі

Перечень категорий получателей жилищных сертификатов Тупкараганскому району

№	Атауы
1	Жеңілдіктер бойынша Ұлы Отан соғысының ардагерлеріне теңестірілген ардагерлер
2	Басқа мемлекеттердің аумағындағы ұрыс қимылдарының ардагерлері
3	Бірінші және екінші топтардағы мүгедектігі бар адамдар
4	Мүгедектігі бар балалары бар немесе оларды тәрбиелеп отырған отбасылар
5	Денсаулық сақтау саласындағы уәкілетті орган бекітетін аурулар тізімінде аталған кейбір созылмалы аурулардың ауыр түрлерімен ауыратын адамдар
6	Жасына қарай зейнет демалысына шыққан зейнеткерлер
7	Кәмелетке толғанға дейін ата-аналарынан айырылған жиырма тоғыз жасқа толмаған жетім балалар мен ата-анасының қамқорлығынсыз қалған балалар жатады. Мұндай адамдардың жасы әскери қызметке шақырылған кезде мерзімді әскери қызметтен ету мерзіміне ұзартылады
8	Қандастар
9	Экологиялық зілзалалар, табиғи және техногенді сипаттағы төтенше жағдайлар салдарынан тұрғын үйінен айырылған адамдар
10	«Алтын алқа», «Күміс алқа» алқаларымен нағрадталған немесе бұрын «Батыр ана» атағын алған, сондай-ақ I және II дәрежелі «Ана даңқы» ордендерімен нағрадталған көпбалалы аналар, көпбалалы отбасылар
11	Мемлекеттік немесе қоғамдық міндеттерін, әскери қызметін орындау кезінде, ғарыш кеңістігіне ұшуды дайындау немесе жүзеге асыру кезінде, адам өмірін құтқару кезінде, құқық тәртібін қорғау кезінде қаза тапқан (қайтыс болған) адамдардың отбасылары
12	Толық емес отбасылар
13	Асырауында кәмелетке толмаған балалары және жалпы орта, техникалық және кәсіптік, орта білімнен кейінгі, жоғары, жоғары оқу орнынан кейінгі білім беру ұйымдарында жалпы білім беретін немесе кәсіптік бағдарламалар бойынша күндізгі оқу нысаны бойынша білім алатын, бірақ жиырма үш жасқа толмаған балалары бар жесір әйелдер (тұл ер адамдар)
14	Еңбек және жұмыспен қамту статистикасы бойынша статистикалық байқауларды талдау негізінде, сондай-ақ Қазақстан Республикасы Еңбек және халықты әлеуметтік қорғау министрінің 2023 жылғы 20 мамырдағы №161 бұйрығымен бекітілген Еңбек ресурстарын болжаудың ұлттық жүйесін қалыптастыру және оның нәтижелерін пайдалану қағидаларына (Нормативтік құқықтық актілерді мемлекеттік тіркеу тізілімінде № 32546 болып тіркелген) сәйкес құрылатын еңбек ресурстарының болжамы есепке алумен, денсаулық сақтау, білім беру, мәдениет, спорт саласындағы және өзге де салаларындағы бюджеттік ұйымдарының қажетті мамандары

№	Наименование
1	Ветераны, приравненные по льготам к ветеранам Великой Отечественной войны
2	Ветераны боевых действий на территории других государств
3	Лица с инвалидностью первой и второй групп
4	Семьи, имеющие или воспитывающие детей с инвалидностью
5	Лица, страдающие тяжелыми формами некоторых хронических заболеваний, перечисленных в списке заболеваний, утверждаемом уполномоченным органом в области здравоохранения
6	Пенсионеры по возрасту
7	Дети-сироты и дети, оставшиеся без попечения родителей, не достигшие двадцати девяти лет, потерявшие родителей до совершеннолетия. При призыве таких лиц на воинскую службу возраст продлевается на срок прохождения срочной воинской службы
8	Кандасы
9	Лица, лишившиеся жилища в результате экологических бедствий, чрезвычайных ситуаций природного и техногенного характера
10	Многодетные матери, награжденные подвесками «Алтын алқа», «Күміс алқа» или получившие ранее звание «Мать-героиня», а также награжденные орденами «Материнская слава» I и II степени, многодетные семьи
11	Семьи лиц, погибших (умерших) при исполнении государственных или общественных обязанностей, воинской службы, при подготовке или осуществлении полета в космическое пространство, при спасании человеческой жизни, при охране правопорядка
12	Неполные семьи
13	Вдовы (вдовцы), имеющие на иждивении несовершеннолетних детей и детей, обучающихся по общеобразовательным или профессиональным программам в организациях общего среднего, технического и профессионального, послесреднего образования, высшего, послевузовского образования по очной форме обучения, но не более чем до достижения двадцатитрехлетнего возраста
14	Востребованные специалисты бюджетных организаций в отрасли здравоохранения, образования, культуры, спорта и иных отраслей на основе анализа статистических наблюдений по статистике труда и занятости, а также с учетом прогноза трудовых ресурсов, формируемых согласно Правилам формирования национальной системы прогнозирования трудовых ресурсов и использования ее результатов, утвержденным приказом Министра труда и социальной защиты населения Республики Казахстан от 20 мая 2023 года № 161 (зарегистрирован в Реестре государственной регистрации нормативных правовых актов за № 32546)

№506

ЗАҢ ЖӘНЕ ТӘРТІП

ЖЕМҚОРЛЫҚПЕН КҮРЕС – БАСТЫ ТАЛАП

СЫБАЙЛАС ЖЕМҚОР-
ЛЫҚПЕН КҮРЕСУ – ЕЛІ-
МІЗДІҢ КҮРДЕЛІ
МӘСЕЛЕЛЕРІНІҢ БІРІ
ҮЛКЕН ӘЛЕУМЕТТІК
ҚАСІРЕТ БОЛЫП ТАБЫ-
ЛАТЫН БҮЛ ҚҰБЫЛЫС
САЯСИ ДАМУ
ТҮРҒЫСЫНАН БІР-БІРІНЕ
ҰҚСАМАЙТЫН ӘЛЕМДЕГІ
БАРЛЫҚ ЕЛДЕРДІ ҚАТТЫ
АЛАҢДАТАТЫНЫ АЙҚЫН.

Әрбір қоғам дамуының күнгейімен қатар көлеңкелі тұсы да қатар жүретіндіктен, елдің әлеуметтік ахуалын жақсартуды, экономиканы жоғары деңгейге көтеруді, халқымыздың демографиялық өсімін арттыруды көздеген шаралар жүзеге асырылып жатқан

кезенде, алға жылжыған қадамды кейін тартып, дамуымызға тежеу болып отырған сыбайлас жемқорлықпен күресті күшейту – әрқайсымыздың азаматтық борышымыз.

Қазақстан Республикасының «Сыбайлас жемқорлыққа қарсы күрес туралы» заңындағы басты мақсат – азаматтардың құқықтары мен бостандықтарын қорғау, сыбайлас жемқорлық көріністерінен туындайтын қауіп-қатерден ұлттық қауіпсіздікті қамтамасыз ету, жемқорлыққа байланысты құқық бұзушылықтардың алдын алу, олардың жолын кесу және әшкерелеу. Осы заңда мемлекеттік міндет атқаратын және оларға теңестірілген адамдардың лауазымдық өкілеттігі мен мүмкіндіктерін пайдаланып пайда табуы сыбайлас жемқорлық деп анықталған.

Экономикалық және қоғамдық

негіздерді жаңғыртып, түбегейлі өзгертулер жүргізу кезеңінде сыбайлас жемқорлық қоғамға қауіп төндіретін деңгейге көтеріледі. Мұндай уақыттарда жемқорлықтың үдеуіне себеп болатын жағдайлар – экономиканың құлдырауы, азаматтық қоғамның билікке тәуелділігі, мемлекеттік институттардың тиімсіздігі, заңнамалардың пәрменсіздігі тереңдей түседі. Сондықтан сыбайлас жемқорлықтың тамырына балта шабу үшін оны тудыратын әлеуметтік-экономикалық себептерді азайту қажет. Бұл ретте жемқорлыққа қарсы әрекет тек оның көріністерімен күрес жүргізумен шектелмейтінін түсіну маңызды. Мұндай күрес қоғам мен мемлекет өмірінің барлық саласын реттеумен тығыз байланысты.


Бұл бағыттағы ең тиімді қадам – қолайлы саяси орта қалыптастыру. Ол

қоғамға шынайы сөз бостандығын қамтамасыз етуді, биліктің ашықтығы мен адал болуын талап етеді. Сонымен бірге мемлекет пен шенеуніктердің қызметін заң жүзінде нақты айқындау, шешім қабылдау процесінің жекелеген адамдардың еркіне тәуелді болу мүмкіндігін азайту қажет. Басқаша айтқанда, заңнамалардың түсінікті, қарапайым және тұрақты болуы, азаматтық қоғамды қалыптастыруға жағдай жасау, халықтың, әсіресе құқықтық сауаттылығын арттыру маңызды.

Сыбайлас жемқорлықпен күресті жексе-дара жүргізу мүмкін емес. Сыбайлас жемқорлық қылмыстары әлеуметтік тұрғыдан пайда болғандықтан, оны

болдырмау мен алдын алуға барлық мемлекеттік мекемелер бірдей атсалысуы тиіс.

Амантай САХАРБАЕВ,
аудандық қазынашылық
басқармасының басшысы.



МӘДЕНИЕТ

Шобыттың шарықтаған шалқар шағы

ҚАЗАҚСТАН
РЕСПУБЛИКАСЫНЫҢ
ЕҢБЕК СІҢІРГЕН
ҚАЙРАТКЕРІ, ДӘСТҮРЛІ
ӘНШІ, КҮЙШІ, ПЕДАГОГ
РУХИЯ БАТЫРШИЕВАНЫҢ
МЕРЕЙТОЙЫНА АРНАЛҒАН
«ШАБЫТТЫҢ ШАРЫҚТАҒАН
ШАЛҚАР ШАҒЫ»
ШЫҒАРМАШЫЛЫҚ КЕШІ
ӨТТІ.



Кеш барысында мерейтой иесінің өнердегі жолын айшықтайтын бейне-фильм көрсетіліп, көпшілік оның ұлттық мәдениетке сіңірген өлшеусіз еңбегімен жақынырақ танысты. Рухия Махмұдқызының орындауындағы сырлы әндер мен шертпе күйлер көрерменді рухани байы-

тып, ерекше әсерге бөледі. Сахна төрінде шәкірттері мен өнер иелері ән-жырдан шашу шашты.

Мерекелік шарада аудан әкімінің орын-басары Өсер Тілепов мерейтой иесін құттықтады.

«Бүгінгі кеште аудан әкімі Ержан Күміс-қалиевтің ыстық ықыласы мен жылы

лебізін жеткізім келеді. Қазақтың әншілік дәстүрін жалғастырып, бүгінге жеткізу-шілердің бірі — өзіңізсіз. Қазақтай талант-ты халқыңыздың құрметіне бөлене беріңіз! Өнер жолы — қиын да қасиетті жол. Осы жылдар ішінде сіз ән мен күйдің, дәстүр мен рухтың туын биік ұстап келесіз. Бүгінгі кеш — сол еңбектің мерекесі. 50 жылдық шығармашылық жол — үлкен еңбек пен табандылықтың нәтижесі. Сізге зор денсаулық, таусылмас шабыт, ұзақ ғұмыр тілейміз, - деді Өсер Тілепов.

Өнерде өзіндік қайталанбас өрнегін салып, халықтың ақ батасын алған Рухия Махмұдқызының ниғына шапан жауып, құрмет көрсетілді.

Бұл мерекелік шара — Рухия Махмұдқызының өңір мәдениетіне қосқан үлесінің, ұлттық өнерге деген сүйіспеншілігінің және шәкірттері мен жанкүйерлерінің ыстық ықыласының жарқын көрінісі болды.

Ринат ТЕМІРХАН.

САҚТАН

ӨРТ ШЫҚСА НЕ ІСТЕУ КЕРЕК?

ӨРТ – ҚҮТПЕГЕН ЖЕРДЕН ТЕЗ ТАРАЛЫП, АДАМ ӨМІРІНЕ, ДЕНСАУЛЫҒЫНА ЖӘНЕ МҮЛІККЕ ҚАҮІП ТӨНДІРЕТІН АСА ҚАҮІПТІ ЖАҒДАЙ. СОНДЫҚТАН ӘР АЗАМАТ ӨРТ КЕЗІНДЕ ДҰРЫС ӘРЕКЕТ ЕТУДІ БІЛУІ КЕРЕК.

Егер өрт шықса, ең алдымен дереу 101 немесе 112 нөміріне хабарлау қажет. Операторға өрттің нақты мекенжайын, орнын, көлемін және зардап шеккендердің бар-жоғын анық айтып жеткізу маңызды. Осыдан кейін адамдарды қауіпсіз жерге шығару – бірінші кезектегі міндет. Балалар мен қарт адамдарды алдымен шығарыңыз. Есікті ашпас бұрын оның сыртында қызу бар-жоғын қолмен

тексеріңіз. Түтінен қорғану үшін ауыз-мұрынды дымқыл мата немесе орамалмен жабу ұсынылады.

Өрт көлемі аз және өз өміріңізге қауіп төнбесе, оны сөндіруге де тырысуға болады. Өрт сөндіргішті пайдаланып, электр құрылғыларын тоқтан ажыратып, су қолдануға болмайтын жағдайларды (электр сымдары, май жануы) ескеру қажет. Эвакуация кезінде лифт пайдалануға болмайды – тек баспалдақпен жүру керек. Егер түгінде қалсаңыз, еңкейіп немесе еңбектеп қозғалу қауіпсіз, өйткені түгін жоғарыға жиналып, төменде ауа салыстырмалы түрде таза болады.

Құтқарушылар келгенде олардың нұсқауын мұқият орындау маңызды. Артық сұрақ қойып, жұмысына кедергі келтірмеген жөн. Өрт кезінде жылдам, дұрыс әрекет ету – өз өміріңізді және жақындарыңызды сақтаудың басты шарты.

Балаларды қараусыз ҚАЛДЫРМА

БАЛАЛАРДЫ ҚАРАУСЫЗ
ҚАЛДЫРМАУ – ӘРБІР
АТА-АНАНЫҢ ЗАНДЫ ЖӘНЕ
МОРАЛЬДЫҚ МІНДЕТІ.

Балалардың өмірі мен денсаулығын қорғау – мемлекет пен қоғамның, сондай-ақ әрбір ата-ананың басты міндеттерінің бірі. Соңғы уақытта балалардың қараусыз қалуы салдарынан түрлі оқыс оқиғалардың жиілеуі бұл мәселенің өзектілігін арттыра түсуде.

Баланың қараусыз қалуы оның өміріне тікелей қауіп төндіреді. Үйде ересектердің бақылаусыз қалған балалар электр және газ құрылғыларын дұрыс пайдаланбауы,

ашық терезеден немесе балконнан құлап кетуі, су айдындарында шомылу кезінде қайғылы жағдайларға ұшырауы мүмкін. Мүндай оқиғалар ата-аналар мен қамқоршылардың жауапкершілігінің жеткіліксіздігін көрсетеді. Осыған байланысты ата-аналар мен заңды өкілдерге төмендегі қауіпсіздік шараларын қатаң сақтау ұсынылады:

- Балаларды үйде немесе аулада қараусыз қалдырмау;
- Электр, газ және тұрмыстық құрылғыларды қолдану ережелерін түсіндіру;
- Терезелерге арнайы қауіпсіздік торларын орнату;
- Су айдындары, жол бойы және қоғамдық орындарда балалардың жүріс-тұрысын

бақылау;

- Балалармен үнемі түсіндіру және профилактикалық әңгімелер жүргізу;

Білім беру ұйымдары мен жергілікті атқарушы органдар да балалардың қауіпсіздігін қамтамасыз ету мақсатында ақпараттық-түсіндіру және алдын алу жұмыстарын жүйелі түрде жүргізуі қажет. Баланың өмірі мен денсаулығын сақтау – тек отбасының ғана емес, бүкіл қоғамның ортақ борышы. Әрбір ата-ана өз баласының қауіпсіздігіне жауапты екенін ұмытпауы тиіс.

М. ТЕҢЕЛБАЕВ,

аудандық төтенше жағдайлар
бөлімінің инженері, лейтенант.

ҚОҒАМДЫҚ ТЫҢДАУ

«Төлеш-Маңғыстау» ЖШС «2026–2035 ЖЫЛДАРҒА АРНАЛҒАН ҚАРАТАУ-ШЫҚ-2 ҚҰРЫЛЫС ТАСЫ КЕНОРНЫНЫҢ ОБЪЕКТІЛЕРІ ҮШІН АТМОСФЕРАЛЫҚ АУАҒА ЛАСТАУШЫ ЗАТТАРДЫҢ РҰҚСАТ ЕТІЛГЕН ШЫҒАРЫНДЫЛАРЫНЫҢ НОРМАТИВТЕРІ (РШН) ЖОБАСЫ» бойынша ашық жиналыс нысанында қоғамдық тыңдаулар өткізетіні туралы хабарлайды. Учаскенің географиялық координаттары және Қарамандыбас-6 кенорнының әсер ету аумағының географиялық координаттары: 1.44o21'38.24" с.е. 51o22'17.28"ш.б. 2.44o21'41.84"с.е. 51o22'21.54"ш.б.3. 4.4o21'25.40" с.е. 51o22'45.24"ш.б.4. 4.4o21'21.26"с.е. 51o22'41.34"ш.б.

Қоғамдық тыңдаулар: 2026 жылғы 9 қантарда, сағат 16:00-де өтеді. Қоғамдық тыңдаулардың өтетін орны: Маңғыстау облысы, Түпқараған ауданы, Таушық с.о., Таушық селосы, Елмұханбет көшесі, 6, «Таушық селосы әкімінің аппараты» ММ. Карантин режимі немесе төтенше жағдайлар болған жағдайда тыңдаулар ZOOM арқылы бейнеконференция форматында өтеді. Қоғамдық тыңдауларға қатысу үшін мына сілтеме бойынша өтуіңіз қажет:

<https://us04web.zoom.us/j/3013598896?pwd=vJekNNe0NWgqxKvhjtFL971aWfmBao.1&omn=74320105578>

Конференция идентификаторы: 301 359 8896,

Қол жеткізу коды: Ys8Chm

Іс-шараның бастамашысы: «Төлеш-Маңғыстау» ЖШС, мекенжайы: 130000, Ақтау к., 7 шағынаудан, «Еврострой» офисі, Телефон/факс (7292) 51-60-65, тел: +7 (7755138403).

Жобаны әзірлеуші: ЖК Пушкинка А.А., Ақтау қаласы, 14-шағын аудан, 19-үй, 121 пәтер, телефон: +7 (7755138403).

Құжаттама <https://ndbecology.gov.kz/> порталында және <https://www.gov.kz/memleket/entities/mangystau-eco/> интернет-ресурсында орналастырылған.

Материалдарды сұратуға болатын электрондық поштаның мекенжайы мен телефон-ны: alenin25@yandex.kz, телефон: +7 (7755138403).

Ескертулер мен ұсыныстар мына мекенжай бойынша қабылданады: «Маңғыстау облысының табиғи ресурстар және табиғатты пайдалануды реттеу басқармасы» мемлекеттік мекемесі, Ақтау қаласы, 14-шағынаудан, 1-ғимарат, тел: +7 (7292) 462131 (1210), sbazarbay@mangystau.gov.kz, mangystautabigat@gmail.com, жауапты тұлға Базарбай Сабина.

ОБЩЕСТВЕННЫЕ СЛУШАНИЯ

ТОО «Толеш-Мангистау» уведомляет о проведении общественных слушаний в форме открытого собрания по «ПРОЕКТ НОРМАТИВОВ ДОПУСТИМЫХ ВЫБРОСОВ (НДВ) ЗАГРЯЗНЯЮЩИХ ВЕЩЕСТВ В АТМОСФЕРНЫЙ ВОЗДУХ ДЛЯ ОБЪЕКТОВ МЕСТОРОЖДЕНИЯ СТРОИТЕЛЬНОГО КАМНЯ КАРАТАУЧИК-2 НА 2026 – 2035 ГГ.». Географические координаты участка и географические координаты территории воздействия Месторождения Карамандыбас-6: 1.44o21'38.24" с.ш. 51o22'17.28"в.д. 2.44o21'41.84" с.ш. 51o22'21.54"в.д.3. 4.4o21'25.40"с.ш. 51o22'45.24"в.д.4. 4.4o21'21.26" с.ш. 51o22'41.34"в.д.

Слушания состоятся: 9 января 2026 г. в 16:00 ч. Место проведения общественных слушаний: Мангистауской области, Түпқарағанського района, Таушықский с.о., с.Таушық, ул.Елмұханбет, 6, ГУ «Аппарат акима села Таушық». В случае карантинного режима или ЧП слушания будут проходить в формате видеоконференции посредством ZOOM. Для участия в общественных слушаниях необходимо перейти по ссылке:

<https://us04web.zoom.us/j/3013598896?pwd=vJekNNe0NWgqxKvhjtFL971aWfmBao.1&omn=74320105578>

Идентификатор конференции: 301 359 8896

Код доступа: Ys8Chm

Инициатор деятельности: ТОО «Толеш-Мангистау», адрес: 130000, г.Ақтау, 7 мкр., офис «Еврострой», Телефон/факс (7292) 51-60-65, тел: +7 (7755138403) Разработчик проекта: ИП Пушкинка А.А., г. Ақтау, 14 мкр., 19 дом, 121 квр., тел: +7 (7755138403).

Документация размещена на портале <https://ndbecology.gov.kz/> и интернет-ресурсе <https://www.gov.kz/memleket/entities/mangystau-eco/>

Адрес электронной почты и номер телефона, по которым можно запросить материалы: alenin25@yandex.kz, тел. +7 (7755138403)

Замечания и предложения принимаются по адресу: ГУ «Управление природных ресурсов и регулирования природопользования Мангистауской области», г.Ақтау, 14 мкр, 1 здание; тел: +7 (7292) 462131 (1210), sbazarbay@mangystau.gov.kz, mangystautabigat@gmail.com, ответственное лицо Базарбай Сабина.

№502

Құрметті оқырмандар !

«Маңғыстау-Медиа» ЖШС
басылымдарына
жарнама, хабарландыру беру немесе
ақпарат алу үшін мына байланыс телефон-
дарына қоңырау шалсаңыз болады.



87781459093. 8(7292)204842.

8(7292)204834.

pr@ogni.kz

Меншік иесі:

MAŃGYSTAŪ
MEDIA

Директор
Ануарбек БИМАҒАМБЕТ

Қабылдау бөлімі,
тел/факс: 20-48-34,
mangystau.media@mail.ru



Ақкетік
арайы

аудандық қоғамдық-саяси газет

Газет Қазақстан Республикасы Мәдениет және
ақпарат министрлігінде 06.02.2013 ж. тіркеліп,
№13362-Г куәлігі берілген.

Редактор –
Милана ЕЛЕУСИНОВА.
Тілші – Ринат ТЕМІРХАНОВ.

Газет «Маңғыстау - Медиа» ЖШС
ақпарат және дизайн орталығында беттелді

Жетекші –
Гүлнара ТАСБОЛАТОВА

Беттеуші дизайнер –
А.Рабаева

«Атырау-Ақпарат» ЖШС
баспаханасында
басылды. 060005,
Атырау қаласы,
Ж.Молдағалиев көшесі, 29А.
Тел: 8 7122 458-660,
586-392.



- Газет жарияланымдарындағы автор пікірі редакцияның түпкілікті көзқарасы болып есептелмейді.
- Жарияланған материалдарды сілтемесіз көшіріп басуға болмайды.
- Жарнама, хабарландырулар мазмұнына редакция жауап бермейді. Редакцияға жолданған материалдарға рецензия жасалмайды және қолжазба авторға қайтарылмайды.
- Тақырыптық суреттер ғаламтордан алынады

Таралымы: 328. Индекс: 65809.
Тапсырыс нөмірі: 1398
Газеттің бағасы келісімді

АУА РАЙЫ БОЛЖАМЫ

25 қараша
түнде: +11 | күндіз: +14

26 қараша
түнде: +8 | күндіз: +10

27 қараша
түнде: +12 | күндіз: +15

28 қараша
үнде: +6 | күндіз: +9

29 қараша
үнде: +6 | күндіз: +9